



PRINS BERNHARD A SALI PA HULANDA AYERA MAINTA

INAUGURACION OFICIAL DI CERVECERIA ANTILLANA PUNTO CULMINANTE

Di diasabra mainta cu e Prins a yega Corsow te mei anochi e tabata ocupa cu un programa extenso...

Pa mas o menos 9.15 a.m. avion DC-6 „Prinses Irene“ a baha na aerodromo di Hato...

benkeman aqui ta regalonan tradicional di fabricantenan di verf y ta hanja nan nombre...

Inauguracion oficial di Cerveceria Antillana

Despues di un corto paseo, rond dje habitacionnan na Brevengat, Prins a bai awor na Cerveceria Antillana...

Tanto pafor, rond y riba e terreno di e Cerveceria na Rijkseendboulevard, miles hende a aglomera...

Den e botelleria despues cu Prins a ser ricibi pa directiva y consejo di comisionan...

Manera ta bisa eaba, e cerveceria antillana aqui ta un sucursal di Amstel Brouwerij na Amsterdam...

CORONACION DI SARA MUYALE APLAZA PA MOTIBU DI LUTO

ORANJESTAD — E coronacion di srta. Sara Muyale como Reina di Caribe pa 1960...

SIMAN DI PADVINDERAN NA SEROE COLORADO 7-13 FEBR.

SEROE COLORADO — E siman di padvinderan pa 1960 lo worde teni di 7 di februari te 13 di februari proximo...

TRIBUNAL A HANJA CU CAPITAN DI SANTA TABATA CULPABLE

ORANJESTAD — Segun nos a lesa den Pan-Aruban capitan Frank S. Siwik di „Santa Rosa“ di Grace Line...

Encuentro cu prensa y balda Diadomingo mainta pa 9'or prensa y representantenan di radio a hanja ocasion di tene un combersacion cu S.A.R. Prins Bernhard...



Diasabra mainta pa 8'or y mei Prins Bernhard a termina su bishita corto na Aruba. Riba e portret aki un tipulante nobo di e DC-6 „Prinses Irene“ ta worde presenta na S.A.R. Nuebe teazador di M.L.D. a escolta e Prins durante su vuelo pa Corsow.

Rebaha drastico di tarifanan di KLM di E. U. pa Corsow

DEN HAAG — „De Haage Courant“ ta informa cu KLM a hanja aprobacion di IATA pa hasi rebaha drastico den cierto tarifanan den Westindische bedrijf.

Esaki ta referi na lora nan ta yama „excursion fares“, cual a worde rebaha cu 17.5 porciento.

Durante e lunanan ayi pa e trayectonan New York-Corsow y Miami-Corsow e rebaha menciona ta worde duna baw di condicion cu e vuelo di regreso meser ta despues di 7 dia y no mas tarda cu 17 dia despues di e biaha.

Oficina di KLM aki a confirma e noticia aki, y cu por cierto entre 15 di april lo tin tarifanan special di retour, pero unicamente riba vuelonan di New York-Corsow-Aruba-Bonaire y vuelto, y Miami-Corsow-Aruba-Bonaire y vuelto: pues no pa Corsow-New York y Miami v.v.

Esaki ta worde hasi specialmente pa yuda turismo na Antillas Neerlandes.

\$ 256.60 y e prijs di Miami pa Corsow \$ 170.— (prijs anterior \$ 207.—). Den nos noticia di diabierna pasa nos a informa cu Transairlines Airlines ta bal habri dos vuelo pa siman entre San Juan, Puerto Rico y Aruba...

Gobierno di Cuba a quibra relacion cu Spanja

MEXICO, 24 januari. — Gobierno di Cuba a kibra su relacionnan cu Spanja y lo no restaura nan preme cu Spanja bira un republica...

Poco dia pasa e embahador di Spanja a ser expulsa di Cuba pasobra, supuestamente, el a yuda e contrarevolucionarianan.



DE STATUUT-PENNING

in BRONS Fl. 5.— in ZILVER Fl. 25.— (incl. luxe etui) in GOUD Fl. 550.—

Spritzer & Fuhrmann Curacao — Aruba en bij het

Prins Bernhard Fonds

De netto opbrengst van deze penningen komt geheel ten goede van het PRINS BERNHARD FONDS

Tres carta dirigi na Raad BC la propone pa luma over e telefoonnet di Eagle

ORANJESTAD — Ayera nos a ricibi tres carta, cual Bestuurscollegie a dirigi na e miembronan di raad. Den e prome carta, cu e fecha di 21 di januari u.p. ta worde propone pa duna na e asociacion di mision di adventistanan di Siete Dia...

E segunda carta, fecha 20 di januari u.p. ta worde hasi e proposicion pa luma over henter e telefoonnet, e central inclusivamente, di Arend Petroleum Mij na Aruba.

„Manera ta conoci e compania petrolero tin su propio central di telefon y su abonadonan denter di su terreno. Necesidad pa mantene e centrale aki no ta existi mas mientras cu e aparato no ta traha cu por registra y yamadanan. Esaki ta nifica, cu e conversacionnan via e central di e compania y e central di territorio insular no por worde trece na cuenta uno cu otro.“

Den di tres carta, fecha 23 di november 1959, deputado E. O. Petronia ta pidi dispensacion di Raad, pa motibu cu e firma di cual e ta socio tabatin e oferta di mas abatu pa restauracion di e clinica di dokter na Santa Cruz (fl. 4.840.—).

E.H.B.O. SPIRITUAL

SEROE COLORADO — Domi D. R. Evans di Lago Community Church dia 27 dje luna aki ta prome orador den un serie di charla cual ta worde teni pa „Ieken forum“ den patio di e misa chikito di Lago. Materia cu lo worde trata: „E.H.B.O. Spiritual“. E reuniona na cual tur hende ta bon-bini, ta cuminsa diarazon awor 7.30 p.m.

FATUM — Tel.: 1845 Pa tur bo aseguranon

DIRECTIVA NOBO PA „ST. CHRISTOPHER CLUB“

SEROE COLORADO — Durante un reunion anual di „St. Christopher Club“ na Seroe Colorado na e elibi un directiva nobo, cual awor ta forma pa presidente Alfred Casali, vice-presidente dr J. B. van Ogtrop, tesoroero senior Everett Dodge y secretaria srta. Mary Leavitt.



Su Exc. Gobernador A. B. Speekenbrink tumando despedida di S.A.R. Principe Bernhard na Dr. Albert Plesman Luchthaven.

Advertisement for Libby's Corned Beef and Sweet Peas with product images and text.



Prins durante gala-diner ofreci pa directiva di Cerveceria Antillana na Hotel Curacao.

Herter i Eisenhower a discuti e situacion na Cuba

WASHINGTON, 24 Januari. — E ministro di relaciones exteriores di Merca, Herter, a conferencia ajera cu presidente Eisenhower riba e situacion na Cuba y e crisis den e relacionan entre Merca y Cuba.

Algun dia pasa prome ministro Fidel Castro di Cuba, den un discurso pa television, a lanza un ataque contra Merca, cu segun Herter ta e ataque mas severo contra Merca desde cu Fidel Castro a yega na poder un anja pasa.

Ministro Herter a declara, cu e ta inquieto pa curso di e sucesion na Cuba.

Interesan mericano tin mas cu un bilion dollar inverti na Cuba. Embahador di Merca na Cuba, Borsal, a regresa New York ajera pa consulta gobierno mericano.

Movimiento politico na Argel

ARGEL, 23 Januari. — Mayoria di e liendanan tabata cerra awe na Argel en conexion cu e destitucion di general Massu como comandante militar i civil di Argel pa presidente De Gaulle.

E delegado di gobierno frances na Argelia, Paul Delouvrier, a haci un yamada na pueblo pa queda tranquil. El a adverti, cu "autoridad di estado mester queda intacto". "Desorden na Argel lo ta principio di un aventura. Delouvrier a bisa.

E tension ta aumentando entre Merca i Cuba

WASHINGTON, 23 Januari. — Merca no tin intencion di interveni militarmente na Cuba, asina minister Herter a declara ajera dilanti di e comision senatorial pa asuntonan exterior. Herter, sin embargo, a duna di gnoc, cu Merca ta inquieto cu e situacion na Cuba.

Entretanto admiral Burke a declara dilanti di e comision senatorial pa

forzanan arma, cu Merca a tuma tur precaucion necesario na e base naval grandi di Merca na Guantanamo na Cuba. Admiral Burke a referi na "un amenaza enemigu eventual contra e base naval na Guantanamo.

Te ginda e autoridadi cubano na a existi oficialmente pa e forzanan naval mericano banda e base.

JUVENTUD CRISTIAN A ELIHI DIRECTIVA NOBO AYERA NOCHI Participa activo den Carnaval

ORANJESTAD — Ayera nochi Juventud Cristian a tene nan reunion anual pa tur miembro, den gymnastiekzaal di Maria College na Oranjestad. Durante e reunion aki tabatin hopi miembros presente, cual naturalmente se socede durante elihimento di un directiva nobo. Ban di homi animo Sr. R. Toppenberg a bira Voorzitter y Srta. S. Martinus Secretaria di Juventud Cristian. Rolin Croes a sali como Tesorero.

Hopi puntos a worde trata, entre otro: Fiesta di Carnaval, un loteria na beneficio di e club, un anosterrit i tambe un excursion pa Venezuela, cu cual punto hopi di e miembronan tabata di acuerdo y cual plan ta indubablemente algo, cu ta existi hopi ornan di preparacion.

Den su discurso, Sr. Ito Tromp, (pa motibo di su trabou ausente) kende tabata Voorzitter di Juventud Cristian durante un periodo di 3 anja y 4 luna, a expresa su sincera gratitud na e Directiva, kende semper a dunela su bon cooperacion, especialmente ora di reunionnan pa e miembronan y durante otro actividades. Tambe muy en especial el a gradici Secretaria Yvonne Tromp, kende tambe a renuncia su puesto e biaha aki, pa cu tur su esfuerzo demostra na e Directiva durante e tempo cu e tabata secretaria. Rolin Croes, kende a pone su mes eligible, tambe a haya algun palabra di elogio pa cu su bon trabou den parti financiero.

Indubablemente e miembronan mes, cual tabata sinta dilanti di e mesa di directiva, tambe a worde gradici pa cu nan gran colaboracion durante e 3 anjanan cu a caba di pasa, pero tambe nan a ser recorda pa duna mejor cooperacion na un Directiva. Consejo General, bau presidencia interino di Sr. Kees Oomen a haya nan danki tambe pa nan bon smaak pa traha y coopera durante e presidencia di Sr. Ito Tromp.

Awor cu Sr. Ito Tromp a renuncia su puesto, Juventud Cristian lo haya falta di un hende cu por traha den un Directiva, y pa su club. Durante su presidencia, e joyen aki a haci hopi, pero hopi mes pa su club. Organiza un semana-deportiva, un wandelmars, fiesta di carnaval, fiestanan di despedida, hersegynastiek pa su club y tambe weganan pa demostra nan amistad pa cu otro clubnan juvenil aki na Aruba.

Den un reunion general di Diabierne anochi directiva nobo di Juventud Cristian a trata riba celebracion di e fiesta di Carnaval.

Un comision a worde forma, consistiendo di 8 persona: Srtas: Lula Marchena, Aura Ras, Petra Marquez; y Srs.: Hubert Hart, Daniel Leo, Felipe Solognier, Donny Henriquez y Raymundo Vrolijk y tambe di 3 conserhos: Srs. Kees Ooms, Ronny Toppenberg y Ito Tromp.

Datosnan no a worde faha ainda pero esey nos lo por publica den curso di otro siman, como cu ta diamars anochi e comision ta reuni pa dicidi riba e fiesta venidero.

Ta casi sigur si cu, Reina di Juventud Cristian 1960 lo bai competi den e concurso pa "Reina di Carnaval di Aruba" y tambe e prins lo bai traha su forza contra e otro candidatonan pa "Prins Carnaval".

SEMANA DEPORTIVA DI DON BOSCO 30 Jan. - 7 Febr.

ORANJESTAD — E semana deportiva di Don Bosco Club na San Nicolas ta acercando. Dia 30 di Januari p.v. pa sietor anochi e inauguracion ta tuma lugar cu algun ceremonia chikito. Tin diferente rimo di deporte riba programa: volleyball, baseball, basketball, ping-pong, y futbol. Aki hau nos ta publica e programa completo:

30 di Januari
19.00 Inauguracion
19.30 Volleyball Jrs. Don Bosco vs Estrella, ganador A den Don Bosco Club.
Volleyball A. Don Bosco Drag vs. Estrella, ganador A den Don Bosco Club.

31 di Januari
10.00 Futbol, Rapid vs. RCA ganador A den Lago Sport Park
13.45 Baseball, Arrow vs Don Bosco, ganador A den Lago Sport Park.

1 di Februari
19.00 Pingpong, Local vs Rio Club, ganador A. den Don Bosco Club
19.30 Basketball, Estrella vs. Don Bosco, ganador A den Don Bosco Club.

2 di Februari
19.00 Volleyball Jrs., Rapid vs. St. John, ganador B den Don Bosco Club.
Volleyball A., Rapid vs. Don Bosco Devils, ganador B den Don Bosco Club.

19.00 Pingpong, Don Bosco I vs. Don Bosco II, ganador B den Don Bosco Club.

3 di Februari
18.00 Futbol, Un. Juv. Noord vs. Don Bosco, ganador B den Lago Sport Park.
19.00 Volleyball Jrs., Don Bosco school vs. ganador A. ganador C den Don Bosco Club.
Volleyball A. Brazil vs Ganador A. ganador C. den Don Bosco Club.

4 di Februari
16.00 Baseball, Vlag vs. Friesche Vlag, ganador B den Lago Sport Park.
19.00 Volleyball Jrs., Ganador B vs. Ganador C, final den Don Bosco Club.
Volleyball A. Ganador B vs. Ganador C, final den Don Bosco Club.

5 di Februari
19.00 Pingpong, Ganador A vs. Ganador B, final den Don Bosco Club.
17.45 Baseball, Ganador A vs. Ganador B, final den Don Bosco Club.

6 di Februari
16.00 Futbol, Ganador A vs. Ganador B, final den Lago Sport Park.
20.00 Entrega di copa.



ENTIERRO DI DOKTER ELOY ARENDS

ORANJESTAD — Diasabra mainta alga despues di 7or y mei e morto di e conocido dokter Eloy Arends. Sr. di Oranjestad, a sali di su cas den Wilhelminastraat pa Santana Catolica. Cantidad di autonon cu flor y krans y hopi hobenitanan a forma e cabez di e fila grandi di famianan, amgonan, relacionnan, parando trafico den center di Oranjestad pa hasta tempo. Entre otro nos a mira den e columna funebre, deputados do E. de Cuba como representante di B.C., eilandsecretaris L.C.M. Kerstens, senjores G. de Veer y W.F. Craane, tur dos miembro di Raad van Advies, di Lago senjores Bert Teagle y dr R. C. Carrell, cual ultimo ta director di Hospital di Lago, por lo demas cantidad di dokternan, un deputacion di San Pedro Hospitaal, den cual tabata pater-rector Gallé y moeder-overste Gabriel y hopi otro mas.

Riba e portretnan nos ta mira momento cu e resto mortal di e defunto ta sali di su cas. E otro portret nos ta mira comando directamente tras di e auto dr Eloy Arends Jr., y deputado De Cuba, na banda robes di e auto di dilanti bai patras e dokternan Hubert Dennert, C. van der Bijl y Dissenbroek; na drechi (dilanti bai patras) e dokternan C. F. van Merveen, W. Linscheer y W. de Fuente.

DINER PA PERIODISTA NA CAS DI JAN C. LACLE

ORANJESTAD — Diabieles anochi u.p. un grupo di redactora, y autornan di pagina di damas den diferente revista-mericano, como parti di nan bisshita pa-cerra conoci bon cu Aruba, a worde ricibi cordialmente na cas di senyor Jan C. Lacle na Oranjestad na unda tabatin un diner di cumindanan y bocadillanan di Aruba. Na e ocasion aki tabata present entre otro gezaghebber F. J. C. Beutjon, deputado I. de Cuba y senyor Michael Kuiperi di Toeristenbureau.

Riba e portret aki nos ta mira algudje huespednan. Di r.p.d. sinta ta senjorita Gáyle Schofield, lider di e grupo y representante di Lingman & Spence; despues sra. Sue Barden di e conocido King Features Syndicate, sra. Julie Oudber y Srta. Eileen Slein. Cu musica Arubana e esera tabata sumamente agradable.



Masha hende a bai mira e taptoe di Marinierstanfare di Corsow diabierne anochi cual a worde teni den Wilhelminapark. Dos escena dije fiesta: e musiconan marchando y un fila di cargado di flambeeuw. E taptoe aki tabata un berdadero exito.



NU OOK JET CLIPPER* DIENSTEN VAN CARACAS NAAR NEW YORK EN EUROPA

De vlucht ongelooflijk snel en rustig in de wonderlijke nieuwe Jet wereld van de Pan American!

VAN CARACAS NAAR NEW YORK: 4 uur en 40 minuten. Tweemaal per week—op dinsdag en vrijdag—om 15:30 nm. VAN NEW YORK NAAR EUROPA: 6 uur en 25 minuten. Stelt U zich voor plaatsbespreking in verbinding met Uw reisbureau of met de

PAN AMERICAN
DE LUCHTLIJN MET DE MEESTE ERVARING TER WERELD
S.E.I. MADURO & SONS, INC.—GENERALE AGENTEN—
ARUBA: NASSAUSTRAT—TEL: 1735 & 1736
CURAÇAO DE RUYTERPLEIN 2/4—TEL: 11200 & 11905

CUR 251-NYC/EUR

Dennis, de schrik van de buurt!

„Ik kan niet bij het knopje van het licht komen“

„Mi n' por jega cerca e switch dje luz“

GROTE HANDELSFIRMA IN ORANJESTAD

zoekt capabele kracht voor de functie van **ASSISTENT MAGAZIJNCHEF**

Kennis van Nederlands, Engels, Spaans en Portugees gewenst.

Kennis van bouwmaterialen aanbevelenswaardig, administratieve en organisatorische ervaring zijn vereist.

Zonder gunstige referenties onnodig te solliciteren.

Sollicitaties te richten aan:
Bureau v.d. blad onder letters MR.

cool idea... air condition now!



Cu rapido futbol Aruba a gana promer wega contra Corsow 3-2

Dos accidente serio: Wiersma man kibra, Sambo hersenschudding

(Di nos sportreporter)

ORANJESTAD — E match di diasabra anochi entre e seleccionnan di Aruba y Corsow hunga den Wilhelmstadion a termina den un mercedo triunfo pa e seleccion local. Apesar cu e score ta mustra apenas un gol di diferencia, e no ta refleha fielmente con e wego tabata ya cu e arubononan tabata forma atakenan mas peligroso y cu mas frecuencia tabata pone keeper Polinet drenta den ocion. E portero curazonenjo tabata den magnifico condicion y ta debi na su corahudo actuacion cu e meta di e visitantenan no a worde penetra mas biaha.

Corsow a lineá deca siguiente forma. Dea gol Polinet, backs: Boy Sambo, Felo dela Nouy y Phillips, halves: Ibi Jansen y G. Bernardina, delantero: Regales, Daal, Ibi Schoop, Gomez y Martell. Aruba a cuminsa cu e siguiente onca: Den gol Feki Caster, backs: Waty Vos, Joy La Rosa, Nathaniel Andrews, halves: Juan Kock y Shon Ne Wiersma, delantero: Benny Britten, Oeando Wernet, Edwin Dirks, Yon Fraak y Juchi Jansen. Dos minuut despues cu referi Jonchi Fingal a duna e senjal di cuminsa e partido, Aruba su promer ataca ta worde forma. Un pase di links ta yega cerca midvoor Dirks kende ta shoot duro, pero keeper Polinet ta bon coloro y ta pomp e cuero back den terreno. No ta pasa dos minuut cu atrobe e muchanan local ta den ataca. E voorzet di Jansen e biaha aki ta yega cerca rechibuiten Britten, kende ta hanje dilanti di gol so cu e portero. Pero e alero arubiano ta desafortunadamente ora cu e ta shoot demasiado suave y directamente den meta di Polinet.

Luego ta e visitantenan ta bai den ataca. Algun shot cu ta worde haci ta largo y sin dificultad alguno keeper Caster ta ricibi nan. E promer anotacion ta surgi den 17 minuut durante un largo scrimmage dilanti di e meta di Corsow. Midvoor Edwin Dirks ta shoot un biaha y e bala ta worde taha door di un back curazonenjo. E segundo shot di Dirks si no por worde contenti y ta for di net Polinet mester hai saka e bala. 1-0 na favor di Aruba.

Aruba ta podera pronto di e hala y ta bolbe amenaza. Ta worde cometi un haandsbal net poco pafor di e doelgebied di Corsow. Juchi Jansen ta shoot un cajazzo pa worde desvia

por worde deteni pa atende Sambo. Esaki tabata completamente incoincidente y mester a worde carga te den kleedkamer, caminda atrobe Dr. Bijl a atende. E medico aki a constata cu ta un "lichte hersenschudding". Despues di e partido Sambo a worde hospitaliza, caminda el a keda te algun ora promer cu e regreso di e curazonenjanan ayera.

Faltando cuatro minuut pa e promer mitad termina Edwin Dirks ta haci un rush y ora cu e ta bai pasa back Phillips esaki ta comete haandsbal den doelgebied, loke no a scapa referi Fingal. E penalty ta worde cobra door di Joy La Rosa, kende cu su acostumbrado potente shot ta laga keeper Polinet sin e minimo chens. Score 2-1 na favor di Aruba. Phillips cu a protesta na mal manera cerca referi a worde saka for di e partido.

Halftime: a bai aden cu e score di 2-1 na favor di Aruba.

Segundo mitad

Dos cambio ta worde haci den e alineacion di Aruba. Caridi Wernet ta bolbe drenta na laga Britten pasando Antero Gil pa rechibuiten y Wernet pa rechibuiten. Chito Croes a sistiui e half Juan Kock, kende den nos parecer a hunga un bon partido durante henter e promer mitad.

Aruba ta bolbe ataca e promer atake y tempran caba. For di ala drechi Gil ta haci un bon voorzet cu Edwin Dirks ta kop directamente den gol. Keeper Polinet na ultimo momento ta logra pomp e bala laga e parti over di lata bai corner. E comer ta worde taha sin resultado alguno.

Bibiaca den 10 minuut ta press na bala for di varios meter pafor di doelgebied cu keeper Caster den un bunita uital ta pomp manda corner. Tabata un potente shot bon coloro y un magnifico hugada di Caster. Wernet ta bolbe falla hopi y trainer Botta ta manda Rey Franken p'e ya den 14 minuut. Corsow ta lanza e proximo atake peligroso. Martell ta pone un voorzet cu Gomez ta duna na Daal, kende ta den bon posicion so cu weeper Caster. Pero Daal ta schuif e bala mucho suave y directamente den man di e portero arubiano.

Poco despues ta e rapidísimo midvoor arubiano Dirks ta hanja un checs. Ya den doelgebied y so cu keeper, e ta tarda un poco pa shoot y esaki ta net loke e defensa curazonenjo tabata tin mester pa kitele e bala. E defensa di Corsow ta hanja trabao na cantidad, ya cu e delanteroan

shortstop kende ta comete error pero sin cu e corredor di tercera por adelantá. E bateador zurdo Clayton Nicholson ta conecta fuerte linea den leftfield cu ta pone e hardinero Efraim Werleman luci den un gran atrapada. Ya e bala a casi pasele ora cu Werleman ta atrapa e bala den un salto. Su tiro pa tercera casi por a completa un doble manzana si e tercera base a garra e bala mes ora. Andres Angelita su roller pa tercera ta cerra e inning.

Wrigley's ta bai ariba den e sexto inning. Despues di e promer out, Silvio Croes ta liga linea fuerte den leftfield cu ta provoca error, loke a permitiye yega te home cu e carrera di bai ariba. Pero e alegria pa Wrigley ta di poco duracion ya cu den e mes sexto inning Cocomalt, sin permiti ni un solo out ta anota dos carrera pa laga nan rivalnan den terreno y obtiene un victoria mas. Lidsey a habri cu hit y probecando mal tiro pa infield ta sigi pa segunda. Cu Abraham ta pasa meskos y asina e corredor nan ta bai tercera y segunda. Antonio Jones ta conecta hit di oro di linea den left empuhando su dos companjeronan cu e carrera di empate y esun di gana respectivamente.

Leandro Briezen, pitcher relevo di Cocomalt a termina pitcher ganador, mientras cu perdedor a keda Ismael Angela. Wrigley a conecta total di 6 hit, ricibi 0 base por bola y 1 ponche. Cocomalt a conecta 8 hit si ricibi base por bola ni ponche.

Pa Cocomalt esaki tabata victoria number cinco provocando empate cu O So Grape den promer luga, mientras cu Wrigley tin awor cinco derrota den mes tanto salida.

Estebon Maduro a blanqueo Arrow permitiendo un solo hit

E segundo wega tabata un bunita duelo di pitcher entre Esteban Maduro di Adams Chiclets y Ale Noguera di Arrow. Ambos lanzador tabata den forma, loke por worde conclui for di e hecho cu ta unicamente dos base (E ta sigi pag. 4)

arubiano ta hungando rapido. Nan "finishing-touch" sin embargo tabata falta y ta pa e motivo aki nan no por a converti mas di nan atakenan den gol. Den di 23 minuut back Andrews di Aruba, kende a hunga masha bon dominando e rapido alero, dercho di Corsow Carlos Regales, ta worde camba pa Roque Croes. Rechibuiten Gil ta pone keeper Polinet haci un salto rapido pa garra un kopbal di dje despues di ricibi un voorzet di su midvoor. Un rato despues Miguel Yong ta drenta na laga di Yon Fraak y ta bai hunga linksbuiten pasando Juchi Jansen pa hianen, loke nos a hanja un cambio masha stranjero ya cu ariba backi tabata tin sinta e rapido alero di Estrella Dama Werleman, kende indubidablemente ta un alero di verdad. Sin embargo ora cu Yong a falla algun biaha el a pasa pa hianen biniendo Jansen back como hien.

Corsow ta bolbe empata e wega

Corsow tambe ta haci cambio ora cu Comenencia ta drenta pa Bibiana. Durante un atake curazonenjo den 32 minuut keeper Caster ta sali enbusea di e bala, pero no ta logra banjele. E bala ta bai cerca e linksbuiten y Caster ta sigi su tras lagando su gol bashi. E fout aki di e portero ta resulta den un gol ya cu ora cu Caster a decidí di bai back rapidamente Martell a haci voorzet y Comenencia por a contra e bala manda den gol via poste ainda. Score 2-2.

Awe ta celebra su feliz cumpleaños. Senior Isaac Yrausquin y ta ricibi felicitacion di su jiuana: Marco, Victoria, Ninita, Maria, Chichi y Mircelito. 19 nieti y nietanan, suegran Sara, y Livia, suegros Asio Helder y Simplicio Werleman y demas familia.

Ta cumpli anja e simpatica y encantadora senjora Elvira Dirks y ta ricibi felicitacion di su tata Gerardo, ruman Annie, tata y omonan, tur su prima y primonan especialmente di su madrina Marianita Ras, tur su amiganan.

Ta cumpli anja Srta. Paula P. Jacobs y ta ricibi felicitacion di su tata y mama, rumanan Maria, Anna, Dora y Marco Jacobs, tur su amiganan, especialmente di su comprometido y demas familia.

Sr. Feliciano Mootook ta ricibi felicitacion di su mama Maria, tata Julio, rumanan Julio, Magriet, Maiki y Frenk, tambe di su amiganan y amigonan.

COCOMALT A LAGA CORAHUDA WRIGLEY'S DEN TERRENO Adams Chiclets a duna segunda lechada

(Di nos sportreporter)

ORANJESTAD — Dos bon partido di Little League a worde hunga ayera mañita den Wilhelmstadion. E promer encuentro tabata entre e novena di Wrigley y Cocomalt. E hobenan chicletero di Sta. Cruz a duna un fuerte bataya y ta den ultimo inning e toleleronan di San Nicolas a cambia e aspecio di e partido. Sin duda algun cu e actuacion di Wrigley's ta un promesa pa brinda mas partido de liber den lo futuro.

Cocomalt mester a usa dos pitcher, mientras cu Ismael Angela a cubri henter e ruta pa Wrigley. Promer carreranan di wega ta worde anota den cierre di e segundo inning door di Cocomalt. John Lindsey ta embasa pa error di e shortstop Croes. Leroy Abraham ta sigui cu hit den centerfield, mientras cu infielder di Antaocho Jones ta pone tres na base sin out. Silvio Briesum ta liga hit impulsador den left mandando Lindsey home cu e promer carrera di wega. Roller di Joseph Peterson pa segunda ta out number dos pero a sirbi pa empua Abraham for di tercera. LeGrand a cerra e inning cu rolling pa primera.

Wrigley su contesta ta worde duna den e tercer inning. Alberto Dubero despues di un out ta conecta incogible den leftfield. Janchi Croes ta hici meskos pero den rightfield y cu e tiro malo di e hardinero pa primera ambos corredor ta adelantá un base. Efraim Werleman ta sali cu roller pa tercera, pero den e hugada Dubero ta anota. Pedro Angela a worde domina cu popfly pa primera.

E partido ta empata den e cuarto inning. Atrobe despues di un out pitcher Peterson di Cocomalt ta ricibi hit. E biaha aki ta di Francisco Weller un tubey den hardin drechi. Camarra ta pop out pa primera, pero Luciano Croes ta conecta fuerte linea den hardin central, empuhando Weller cu e carrera di empate. Cu error di e hardinero Croes a logra yega te tercera. Ismael Angela ta sali cu fly den infield.

Un gran cero ta worde colga door di pitcher Angela den e quinto inning. Leandro Briezen a habri cu hit den rightfield y error a permitiye yega te tercera. Le Grand ta lanza bombita pa tercera pa out number uno. Luego Janga ta conecta rolatá di friene pa

Agenda

ARUBAANSE COURANT diarumete cu excepcion di diadomingo

Edita pa: N.V. ARUBAANSE DRUKKERIJ EN UITGEVERIJ EN PUBLICITEITS MAJ. NASSAUVAARD 25 - STAD, ARUBA N.A.

Suscripcion / 3,- paga adelantá Edicion suelta 20 ct

Teléfono: 1110 Directiva y auncio - 2110 Redaccion y suscripcion

Directeur-hoofdredacteur G. J. Staartjes

Imprenta na N.V. Drukkerij „De Stad“

CINE

Dialuna 25 di Januari

DE VEER 8:30 „The Nun's Story“ Audrey Hepburn

RIALTO 8:00 „Kansas Territory“ Bill Elliott

PRINCIPAL 8:00 „Run silent, run deep“ Clark Gable

AURORA 7:30 „Map on the wall“ - 18 J.

SAVANETA 7:30 „Mensen zoals wij“ - 18 J.

BOTICA DI WARDA

Oranjestad: BOTICA ARUBA, tel. 1080

San Nicolas: BOTICA SAN NICOLAS, tel. 5319

WIT-GELE KRUIS

Zr. Parquetta en Zr. Ewalds tel. 2200

10:00 Stuiting

JEUGDCENTRALE „LA SALLE“ ARUBA

Maandag 25 Januari 1960

Bruidt: 5 p.m. Voetbaltraining, iniel verplicht:

Sini Jozefboud-Estralla (Santa Cruz): 8 p.m. Muziekles: 7:30 p.m. Voetbal: Estralla - Dakota in Lago Sportpark: 7:30 p.m. Basketbaltraining Dames: 3:30 p.m. Basketbaltraining Jongens.

Sini Jantek uit Nieuw Nicolaas: 7 p.m. Bijeenkomst Paus Pius X groep Rafaelgroep. Rapid (Savaneta): 5 p.m. Training A.

Tripulien: 3:15 p.m. Junioren Zangrepetitie.

POSTSLUITINGEN

Maandag:

Caracas 15:30, Barranquilla 15:30, Curacao 9:00-10:00, EUPORA 9:00-15:30, Miami 9:00, New York 9:00, Panama 15:30.

RADIO KELKBOOM

Dialuna 25 di Januari

11:30 Opening

11:31 Musica Varia

11:35 Luchtmuziek

12:10 Notitas local na Pap.

12:25 Nieuwberichten

12:45 Norte Americana

12:55 News in nutshell

1:00 Musica varia

1:30 Shuiting

4:00 Musica meffcana

4:30 Notitas locales (lokala-polis y Dep.)

4:45 Cocktail musical

5:00 Un programa cu Danzones

5:15 Un programa cu Juan Serrano

5:30 Alle hens

6:00 Calypso

6:15 Cumple años felix

6:30 Dinermuziek

7:00 Notitas na Pap.

7:15 Musica Varia

7:30 Musica Hulandez

7:45 Nieuwberichten

8:00 Musica Americana

8:15 Lagrimas de una madre

8:30 Musica Varia

9:00 Peliculas

9:05 Musica cu Luis Quintero y su conjunto Alma Cibena.

9:45 Un programa cu Bebo Valdez

10:00 Stuiting

VOZ DI ARUBA

Dialuna 25 di Januari

06:00 Apertura

06:30 Nos oracion di manja

06:45 „The Lord's prayer“

06:55 Musica a manceer na Aruba (Semi-classic music)

06:15 Viana Auto Supply Co. brings you „News in English“ C.P.A. Ceisire

06:30 Popular Instrumental Melodies

06:45 Mañanita Antillana

07:00 Canciontes di amor dedica na oyentenan na exterior

07:30 Melodias Matinales

07:45 Parada Internacional

08:00 Melodias Instrumentales

08:15 Popular American Melodies

08:30 Viana Auto Supply Co. brings you „News in English“ C.P.A. Ceisire

08:45 Ecos di Cuba

09:00 Boleros de moda

09:15 E artista di siman a cargo di „Carmen Della Dipini“

09:30 E orquesta di awe a cargo di „Orquesta Sublime“

09:45 Musica Popular

10:00 Concerto-Palmolive presenta su novela „La Deshonrada“

10:30 Fuente Musical

11:00 Melodias Populares

11:15 Bambos, merengues y merembrees

11:30 Popular American Melodies

11:45 Calypso Festival

12:00 Muziek uit Nederland

12:15 Mercurius Trading Co. biedt U „Nieuws in het Nederlands“ o.l.v. Jos v.d. School

12:30 Selection musical di meridia

12:45 Melodias Latino-Americano

13:00 Viana Auto Supply Co. ta ofrece „Mundo em marcha“ o.l.v. Adriaan Arends L.

13:15 Notas Antillanas

13:30 Melico canta en su radio

13:40 Proctor & Gamble presenta su novela „La mujer que compró el amor“

14:00 Spritzer & Fuhrmann ta presenta „Bo concierto diario“ o.l.v. Adriaan Arends L.

15:00 Complacetando petelones de nos oyenteman na exterior

15:20 Selection di musica popular

16:00 Mercurius Trading Co. ta presenta „Complacetando y dedicatos“

17:00 Felicitando nos oyenteman

17:30 „Ban participa den ganashi di La Esperanza“ o.l.v. A. Croes.

18:00 Mario Arends ta presenta „Bo orquesta favorita a cargo di „Orquesta America“

18:30 Palais Royal ta presenta „Cronica Deportiva Philips“ o.l.v. Tico Kluper

18:45 English & American Melodies

19:00 Viana Auto Supply Co. brings you melodies

19:15 Concert of popular instrumental „News in English“ C.P.A. Ceisire Arends L.

20:15 Exilios di Earthe Klit

20:30 Concerto-Palmolive presenta su novela „La culpa de los padres“

21:00 „Antillanese week in haeld“ o.l.v. Jos v.d. School

21:15 Elek val wit

RADIO VICTORIA

Dialuna 25 di Januari

11:30 Apertura

11:45 E Mundo Pomealnu

12:00 Melodias di Meridia

12:15 Ultimas Notitas

12:30 World News

12:45 Concerto Hall

1:00 Miracles & Melodies

1:30 Sign Off

4:00 Musica di Banda

4:15 Ecoman Celestial

4:30 Verleil Urtje

4:45 Waltzun Favorita

5:00 Voz del Extranjero

5:15 Palabranan di Bida

5:30 Interpudo Musical

6:00 Noticias

6:15 Sucesos Deportivos

6:30 Naciones Unidas

6:45 Cafe con musica

7:00 Notitas Hulandes

7:15 Klasiieke Muziek

7:45 The Bandstand

8:00 Felicitaciones

8:15 Off the Record

8:30 Back to the Bible

8:45 Musica de Gitanos

9:30 Haven of Rest

10:00 News (repeat)

10:15 Hymns that Live

10:30 Sign Off

RADIO CARACAS TELEVISION

Lunes 25 de enero

3:30 Marcha Nacional, Himno Nacional

8:25 Informacion sobre los programas del Dia

8:30 Pelucia

10:00 Calendario de Mama

10:30 Cosas de Mujeres

11:15 Felicitaciones

11:30 La Perfecta Ama de Casa

11:50 Informacion sobre los Programas del Dia

12:00 Gram Show de las Dore

1:15 Amalioa

1:30 El Imparpetal Television

2:00 Agencia de Colocaciones por T.V.

2:30 Club Femenino

3:00 Por el Ojo de la Corradura

3:30 Musica de Director Monteverde

4:00 Pelucia

4:30 El Observador Creolo

4:15 La Ley del Revolver

4:45 Perry Mason

8:30 La Esperanza Supermarket ta presenta „45¢ en su apartamento economico“

11:15 Coronas

12:00 Informacion sobre los Programas de Manana

12:00 Marcha Oficial

NO HITTER DI VAN PUTTEN DEN WEGA SAN NICOLAS CONTRA BRAVES

(Di Nos Sportreporter)

ORANJESTAD — E novena di San Nicolas, dia Viernes anochi, cu su pitcher Ronulfa Van Putten da bon a duna Braves un sota cu score di 30 pa 2. E pitcher di San Nicolas no a permiti ni un solo hit y ta te den e ultimo inning nan a logra anota dos carrera contra dje. Van Putten a regalar ocho base por bola y poncha dos pa dos carrera.

Tambe den bateo Van Putten a sobresalir conectando 5 hit den 6 turno, meskos cu su companjera di equipo Aggie Lejuex.

Despues di e partido aki nos ta haña cu e tabla di posicion ta muestra lo siguiente:

Club	WH	WG	WP	WA
Schlitz	5	4	1	-
San Nicolas	6	4	2	1 1/2
Aruba Jrs	5	3	2	1
Dakota	5	3	2	1
Braves	5	2	3	2
Caribe	4	1	3	2 1/2
Skyscrapers	4	0	4	3 1/2

Tel: 1637 Rundweg 49

Bloemenhuis ROZENOORD

pa **POCHI DI FLOR**

Laga un experto haci bo trabao

C. A. VIS

TEL. 1398

Pa lista di prijs sin compromiso pa tur trabao.

Holman & Van Eerden

Contratista y embalsador.

Tel. 1595 - 1199

NOS TA ENTREGA TUR MARCA DI-JALOEZIE DI GLAS

HARDBOARD?

No tin lugar cu por bati PRIJS SERVICIO y CALIDAD di

Aruba Trading Company

ODUBER & KAN

INC.

E surtido mas grandi den BRIL DI SOLO

Aruba Curacao



Un demostracion di loke a worde presenta diasabra anochi den Sociedad Bolivariana na conmemoracion di Ana Pavlova. E ballet-show aki a worde duna pa un circulo intimio door di srta. Irma Bakker y un parti di su grupo di ballet. Riba e portret: di r.p.dr. Suzanne Learned, Sandra Maduro, Ellen Rarick, dilanti: Bonny Montfrans (r.) y Olga Barbour.

E ENCANTADORA YVONNE pa TUYUCHI

Henk Visser a hiza su skoudernan. „Ta quico nos quier haci? No ta tur hende tin e mes animo, pasobra e waiter aqui ta un hende cu tin masha miedo di muri. Ademas el a bisa cu el a queda cu majornan lo a sigi su tras ora cu el a hui bai. Alomocos l'astina el a confesa mi. Y ta d'el masha tantu di tonde quico a pasa mi taha.“

Frits a hanja respet pa e hoben cu no a murmura riba comportacion cobarde dje waiter pa cu su prohibido den apuro. E hoben no tabata preocupu su cabez mas cu esei, pasobra e cos di mas fatal a socede caba. Un cos ta quel mi mama masha, esta: cu e no por a gradici ho y esei ta hacie verdriet. Dokter a ordena cu e tin di queda un paar di dia drumi na su cama.“

„Com ta cune?“ Frits a informa. „Ho mes lo por figura bo“, el a bisa y el a bira mira rond di dje. A sali dos homber mas for den e truck. „Pero nos no tin tempo pa queda perde tempo. Mi tata lo ser den dialuna y naturalmente nos ta spera bo na entiero. Awor lo nos mira quico tin aida cu nos por salba y lo nos larga reconstrui e restaurant aqui mas pronto posible. Si tur cos bai bon, anto na juli mes lo nos por sinta den e restaurant aqui robe: Ta di esaku nos ta biba, bo ta mira“, el a agrega acerca cu un tono di desculpa. „Bum mira muchanan, larga nos cuminza.“

E poliz a cohe su bicicleta y a bai. Tambe Frits a decidí di bai y a jama e yiu di Visser ayo te despues. Y el a queda como un ora mas ta pasea na orilla di mar y despues pasando door dje duranan el a regresa su pension, quedando asombra dje paz calma cu tabata reina riba e panorama, e grintonan suave dje insectonan y hubilo di pajaronan. Den patio dje cas, di cual e portanan tabata abri pa e hardin, for un distancia el a reconoce sra. Verhaven caba y segun e tabata calcula, un huesped nobo. Pero ora cu el a yega mas acerca el a ripara ta queda e bishita tabata. E mucha muhe... El a sinti unbez cu su curazon tabata palpita cu mas regularidad, pero ya e no tabatin chens mas pa duna oido na su prome impulso. Y e no por tin aida cu nos por salba y lo nos larga reconstrui e restaurant aqui mas pronto posible. Si tur cos bai bon, anto na juli mes lo nos por sinta den e restaurant aqui robe: Ta di esaku nos ta biba, bo ta mira“, el a agrega acerca cu un tono di desculpa. „Bum mira muchanan, larga nos cuminza.“

E poliz a cohe su bicicleta y a bai. Tambe Frits a decidí di bai y a jama e yiu di Visser ayo te despues. Y el a queda como un ora mas ta pasea na orilla di mar y despues pasando door dje duranan el a regresa su pension, quedando asombra dje paz calma cu tabata reina riba e panorama, e grintonan suave dje insectonan y hubilo di pajaronan. Den patio dje cas, di cual e portanan tabata abri pa e hardin, for un distancia el a reconocer sra. Verhaven caba y segun e tabata calcula, un huesped nobo. Pero ora cu el a yega mas acerca el a ripara ta queda e bishita tabata. E mucha muhe... El a sinti unbez cu su curazon tabata palpita cu mas regularidad, pero ya e no tabatin chens mas pa duna oido na su prome impulso. Y e no por tin aida cu nos por salba y lo nos larga reconstrui e restaurant aqui mas pronto posible. Si tur cos bai bon, anto na juli mes lo nos por sinta den e restaurant aqui robe: Ta di esaku nos ta biba, bo ta mira“, el a agrega acerca cu un tono di desculpa. „Bum mira muchanan, larga nos cuminza.“

Tur confus manera un mucha di dushi-klas el a hanje para repentamente dilanti dje mucha muhe cu no quier a sali for su mente. E tabatin un traje di catuna blancu bistu, cu hotonnan hlanacu na su oreca cu tabata forma un contraste door di su cabecinan pretu. Den wovonan di Frits e mucha muhe aqui tabata un belleza, pa cual su curazon tabata palpita cu violencia.

„Senjorita“, el a cuminza inseguro. „Pa bo mi yama Yvonne“, e mucha muhe a responde rapidamente, mientras el a coloriza un ratu. Pero unbez el a dom'na su mes robe y a cohe su sistema di custumber y a continua: „Ma bini aqui pa mi gradidi ho pa loke h'a haci ahera pa mi. Y...“ el a saca un pia blancu y sin meau un pia masha bunita ta muestra Frits, cu su unjanan tur pinta corra y un verband na dje. Y mientras e tabata move e pia el a bisa: „y mi bini aqui pa mi larga e semi-medico controla mi pia, pasobra e semi-dokter aqui te mes ta mi salvador tambe“, el a termina, mientras el a queda ta mira

Frits cu un mirada maldita di bonon y cu esaku el a desama e barrera di seriedad cu semper Frits sa tin y el a conquista Frits su curazon.

Y pa trata na sconde su confus Frits a bisa: „B'a interroga e poliz hon, mi ta supone.“

„Y abo no?“ el a puntra Frits cu hofon. Sra. Verhaven tambe mester a hafi awor y Frits tabata sintie un manera stranjero, pasobra e alegria a yega mucho repentino y na un manera cu e no a spera.

Tur loque el a haci tabata un estelove sumiso. El a hinka rudiá y a los verbanda for pia dje mucha muhe y qui un pia, qui suavidad. E semi-dokter, a waak e herida hon y el a constata cu ya e cuero a cuminza ta cohe color p'e cara. Tur cos ta bon, pasobra h'a tin infeccion“, el a bisa. „E ta haci due?“

„Ai no, Casi e ta bon-bon. Solamente mi ta sinti ora cu mi move mi pia mucho.“

„Mientras cu e dokter tahata poniendo un verband nobo na e pia di Yvonne, diripiente un recuerdo a pasa den su cabez. Y el a puntre: „Si mi no ta exagera, mi n' mira ho ajera ta aplica respiracion artificial cu sra. Visser? Por ta un curso di EHBO h'a sigui?“

Tabata como si fuera e mucha muhe quier a bula pa e pregunta ci. Pero despues toch el a responde: „No. Mi ta enfermera diploma. Sin embargo mi na ta practica mi profesion ya ta hopi dia mas.“

Frits a ripara cu su cara a cerra y cu e no tabata gusta e punto di combersacion ci, pasobra e no quier a papia di su mes.

„Senjorita Wijckheerd ta gusta mas tantu e profesion di proyecta moda“, sra. Verhaven a reda. E tabata posee e talento di hanja sa e cosnan cu e tabata desea, pasobra ta cual muhe no ta gusta un boca di redu?“

E ta sigui

EL CISCO KID

1. "Bo, un idea di bira juffrouw di school na Rio Oro?"



UAN EL INTREPIDO

1. "Sabina? E idiotanan ey ta danja tur cos. Sakami afor awor licenciado..."



DICK TRACY

1. "Si, 'little doc', awor nos ta bai bishita bo omo, kende no a mira bo fei dia cu bo ta un baby..."



RIP KIRBY

1. "Awor mi ta bai di aki, y ningun hende lo no hanja sabi kende a mata Kirby..."



EL PRECIO DEL TRIUNFO

1. "Lalo, ta pasa algo raro, si no siniestro - den e organizacion Boswor! Pesey, lo nos tabata quier pa bo a queda aki!"



EL DIARIO DE UNA VIDA

1. "Lo mi tabata quier tin ora pa mi no tabata gobernador... pero un simple empleado..."



PEPITA

1. "Bo por compra e disco aki na tienda pa mi, papa?"



E jancuman chiquito aqui cu den dianan di Pasca a hanja na Merca un silee nobo, tabatin e mala suerte di a cai quibra tur su dos brazanan. Sin embargo e mucha ta balente, pasobra el a soporta tur dolor i e sonrisa aqui sol riba su cara ya ta un prueba cu e ta mehorando trobe.

Un avion di tipo boeing 707 a baha na 'Zanderij

PARAMARIBO, 24 januari. — Riha e aeropuerto di Surinam, 'Zanderij' a baha ajera nochi un avion militar mericano cu propulsion a reaccion di e tipo Boeing-707.

A base di e hecho, cu e Boeing-707 ta purba tur aeropuerto, unda e avion di Eisenhower lo baha otro luna na Brasil y algun otro pais suramericano.

Equiponan di salvacion a sali pa yuda e mineronan di Coalbrook

COALBROOK, 24 januari. — Directiva di e mina di carbon na Coalbrook, na Oranje Vrijsaat, na Sur Africa, unda mas cu 400 minero ta encerra pa motibu di un derrumbe.

Ajera nan a pers aire den e parti di e mina, unda e victimanan ta, pero esaki no a yuda mucho. Na cierto lugar e equiponan di salvacion mester a traha te na nan rudio den awa.

Manifestacion grandioso na Tel Aviv

TEL AVIV, 24 januari. — Miles di hende a tuma parti ajera na un manifestacion na Tel Aviv como protesta contra e incidentenan anti-semita na Alemania.

Declaracion di Peron ex-president di Argentina

CIUDAD TRUJILLO, 24 januari. — Ex-presidente Peron di Argentina a declara, cu e no tin intencion di bandona Republica Dominicana por lo pronto.

No obstante e declaracion aki, un vocero di departamento di relaciones exteriores di Argentina a bisa na Buenos Aires: cu e embajador di Spanja na Santo Domingo a informa gobierno argentino di pasonan di Peron pa hanja autorizacion pa drenta Spanja.

Palabranan hopi serio di Ferhat Abbas di Argelia

TUNES, 24 januari. — Ferhat Abbas, prome ministro di e gobierno rebelde di Argelia, a declara, cu su gobierno ta dispuesto na inicia inmediatamente negociacion cu gobierno frances pa stipula e condicionnan y e garantianan necesario pa auto-terminacion di pueblo argelino.

Ferhat Abbas a bisa, cu su gobierno a asigna personalnan autoriza pa inicia tal negociacionnan, y cu pa tal motibu su gobierno ta opina, cu e lucha na Argelia ta continua solamente pasobra gobierno frances kier tal lucha.



Dear Editor

I will be very kind with you, if you have a little space in your newspaper, so that you can publish a letter that I sending to you.

Dear people of Aruba it is for a long time that the Bestuurscollege can not do a thing for the Arubans. Here in Aruba there is plenty young Arubans without a job. Why can not B.C. start to think about what to do for we young Arubans without jobs.

Bestuurscollege that why we are asking you to do something for we young Arubans, and remember, we are not dumb as those (p.p.) Aruban people from before we young Arubans are smarter. That why we are asking B.C. to do something for we young Arubans.

Truly yours Pablo C. Maduro Brazil 19

COCOMALT A LAGA

(Continuacion di pag. 3)

por bola a worde concedi y total di cinco hit, mientras cu nan dos hunto a poncha 24 toletero.

E dos unico carreranan di weg a worde anota den inning number tres door di e chicleteronan di Beto Croes. E promer bateador Bibiano Vrolijk ta embase pa interferencia di e catcher Carlos Koolman ta camina pa primera.

Sin duda alguna un interesante weg. Pitcher ganador tabata Esteban Maduro, kende a ricibi 1 hit, regala 1 base por bola y poncha 15.

Pitcher perdedor Noguera a ricibi cuatro hit, regala 1 base por bola y poncha 9.

Pa Adams Chiclets esaki ta su cuarta victoria den cinco salida, mientras

cu Arrow tin net contrario esta cuatro derrota den cinco salida. E posicion di e equiponan di Little League ta wor:

Table with columns: Club, WH, WG, WP, WA. Rows: O So Grape, Cocomalt, Hilton, Ad. Chiclets, Lions, Viana's, U. S. Keds, Friesche Vlag, Wrigley.

HOROSCOOP di awe

ARIENAN

21 Maart — 20 April Awe bo ta sinti bo energia y cu amor pa trabao. Parti di anochi lo bo tin experiencianan agradabile.

TAURISAN

21 April — 21 Mei Bo influenciannan ta debil, pero favorable. Parti di mainta lo bo goza di aprecio cerca esnan mas bieu cu bo. Y lo bo ta bon mira den lista di bo superiorman.

GEMINAN

22 Mei — 21 Juni Awe dia ta parece mehor pa bo, pasobra lo bo tin falta di vitalidad y espiritu organizador. o bo hanja sosten di bo colega y superiorman.

CANCERNAN

22 Juni — 23 Juli Awor ta bon chens pa bo haci negoshi. Probeca anto na tcm. Lo bo experimienta alavez sucesonan stranjo.

LEONAN

24 Juli — 23 Augustus Unda cu bo pone bo man awe, cos ta bai bon pa bo. No ansia bo, pasobra bo planeta ta den bon condicion awe.

VIRGONAN

24 Augustus — 23 September Aunke cu e dia di awe por ta calmo, sin embargo e no ta desfavorable. Principalmente bo mehor oran cu bo por confia riba dje ta parti di mainta.

LIBRANAN

24 September — 23 October E dia di awe ta sigur neutral. Sin embargo lo bo hanja merito pa bo trabaoan haci.

SCORPIANAN

24 October — 22 November Encrgia di bida y amor pa empresa a dispierta den bo pa un aspecto di Solo y Mars. Lo bo goza awe di un sorpresa agradable.

SAGITARIUSAN

23 November — 21 December Bo tin bon prospectonan. Bo inspiracion ta bon y bo trabao ta hanja elogio cerca bo superiorman. Queda bo calmo pasobra bo recompensa ta cerca.

CAPRICORNUSAN

22 December — 20 Januari Bo tin tur chens di desarrollo den trabao y negoshi awe. Bo palabranan y ideanan ta hanja bon acogida y bo hefanan lo tuma bo ideanan na estudio.

ACUARIUSAN

21 Januari — 19 Februari Bo por influencia otropan cu exito awe. Y como bo ideanan ta bon, ta facil pa bo convence otropan di bo pretencionnan.

PISES

20 Februari — 20 Maart Parti di tramerdia tin sucesonan dibeitido y interesante cu un elemento di sorpresa. Bo fuerte vitalidad por duna bo bon resultado nan awe.



Podiser algun di boso ta corda Charlie Chaplin ainda, sigur e muchanan mas grandi ta corda e tercio cu su camarita, cu su bigoti chiki cu su zapatonan number soberto ta flap-flap na su pia. Antes no tabatin film mas pret cu esnan di Charlie Chaplin.